



# Blaenau Ffestiniog


o'r graig  
from the rock

## Be' ydi Blaenau Ymlaen?

Ffurfiwyd Blaenau Ymlaen fel grŵp gwirfoddol i ddod a grwpiau a chynlluniau Adfywio Blaenau Ffestiniog at ei gilydd. Mae'n cwrrd pob dau fis ac mae croeso i bawb.

### Pam Canol y Dref?

Bu Blaenau Ymlaen, Cyngor Gwynedd a Llywodraeth Cymru yn llwyddiannus mewn cais am arian o Ewrop wedi ei glustnodi ar gyfer adfywio canol trefi, ni ellir ei ddefnyddio at unrhyw ddiben arall. Mae poblogaeth yr ardal yn gostwng 2.5% yn flynyddol, mae nifer o'r unedau busnes yn y dref yn wag. Mae'r cynllun yn plethu gyda chynlluniau eraill megis cynllun Antur Stiniog i ddatblygu'r sector Awyr Agored. Mae angen i ni fanteisio ar yr ymwelwyr sydd yn cyrraedd y dref ond yn troi'n ôl i gyfeiriad Porthmadog.



Darlun gan Macgregor Smith.

### Cynllun Canol y Dref – Proses hir!

Cynhaliwyd 7 digwyddiad ymgynghori cyhoeddus yn ogystal â gwaith gyda grwpiau penodol fel yr ysgol a'r grŵp mynediad. Rydym yn ffyddiog fod y cynllun yn adlewyrchu dyheadau'r gymuned.

### Yr Arian

£4.4m o gronfa ERDF, Llywodraeth Cymru a Chyngor Gwynedd rhaid i ni nawr sicrhau fod y buddsoddiad yn gwneud gwahaniaeth gwirioneddol i'r dref a'i thrigolion.



Ymgynghori a gwaith ar y gweill 2011

### Beth sy'n rhan o'r gwaith?

- Cymorth o hyd at 75% i wella cyflwr allanol adeiladau masnachol y dref, gan gynnwys arwyddion, ffenestri a drysau newydd, paentio a phlastro. Rydym yn annog "canopiâu" ac arwyddion lliwgar.
- Datblygu darn o waith celf gan artist ar y ffordd i mewn i'r dref er mwyn denu sylw a thynnu pobl yma i dreulio amser a gwario arian.
- Newidiadau sylweddol i "ganol y dref" gan gynnwys maes parcio'r Orsaf a maes parcio Diffwys. Y bwriad yw denu pobl oddi ar Rheilffordd i dreulio amser ac i wario arian yn y dref.
- Mae'n fwriad i wella marchnata'r dref gan osod arwyddion gwell o amgylch y dref. Bydd cyfleoedd i ddehongli hanes hefyd yn cael eu datblygu.
- Rydym yn annog cwmnïau lleol i dendro am y gwaith adeiladu ac i ymgymryd gyda'r gwaith o wella'r siopau.

### Y nòd:

"Creu lle i fyw, i weithio ac i ymweld â hi sy'n gyffrous, bywiog a deniadol, sy'n enwog am ddiwylliant a chelfyddyd, yr ymdeimlad cryf o gymuned a'r amgylchedd syfrdanol. Bydd y dref yn adeiladu ar y nodweddion unigryw hyn mewn dull cynaliadwy er mwyn cyflawni adfywiad economaidd, cymdeithasol ac amgylcheddol."

### Pryd?

Byddwn yn tendro am gwmi i ymgymryd gyda'r gwaith dros Haf 2011 gyda'r gobaith o gychwyn ar y gwaith yn Hydref 2011. Bydd rhan helaeth o'r gwaith yn cael ei gwblhau erbyn Haf 2012.

## Gwybodaeth:

Am fwy o fanylion ewch ar wefan y cynllun,  
[www.gwynedd.gov.uk/blaenauymlaen](http://www.gwynedd.gov.uk/blaenauymlaen)

anfon ebost at [blaenauymlaen@gwynedd.gov.uk](mailto:blaenauymlaen@gwynedd.gov.uk)  
neu gysylltwch yn lleol gyda Eifion Williams  
07867945741 neu gyda'r Swyddog Adfywio  
01766 512499.

